

ապագեալ, այլ և յագեալ մերձ ի պայթիլ՝ ապա երթային ի պսակ, որ եւ փեսան եւս չկարէր կանգնել ի վերայ ոտից. եւ այս մեծ անօրէնութիւն, որպէս հրամայեալ են սուրբ հարքն մեր: Եւ Բ օր երթային ի պսակ և զճէնէզն բարձեալ մի մի՝ եթէ զինչ և էր՝ թէ՛ ոսկեղէն և արծաթեղէն, թէ՛ պղնձեղէն և թէ՛ ապրճեղէն՝ առաջի այլազգացն, որ նոքա տեսեալ զանհամութիւն ազգիս, կանգնեալ ապուշ մնային. ևս և երգօղք քնարաց առաջի երթային երգօք, որպէս վերասացաւ ի սակաւուց: Զայսոսիկ արգիլեաց նամակ ուղարկեալ յամենայն եկեղեցիսն թէ՛ Յառաջ քան զճաշու ժամուն եղիցի պսակն, և թէ ոք յանդգնի՝ նդովեալ է և զքահանայսն արգիլեմք ի քահանայապետութենէ: Եւ ոչ ոք էր, որ ընդդիմանայր ազգու հրամանի նորա:

Ե) Եւ զհացն մեռելոցն, որ ուտէին ի գինեծալս տեղիսն, և զայսոսիկ արգիլեաց թէ Գան և ի տուն մեռելոյն ուտեսցեն զհացն:

զ) Եւ ի ժամանակի ինչ հարկեալ ի զբաղմանց՝ նեղացեալ և փախեալ ի քաղաքէս՝ եթէ պրծուցէ զինքն. և հասեալ զկնի մեծամեծաց քաղաքիս, բազում աղաչանօք բերեալ զնա աստ, և նա ասացեալ թէ Երբ ես ձեզ անոացի և եկի կատարեալ զխնդիրս ձեր, և ես ձեզանէ մի խնդիրս խնդրեմ, որ այսքան ժամանակ ի ձեզանէ մէկ սիրոյ ընծայ մի չէ գնացեալ ի սուրբ մայրս լուսոյ ի Սուրբ Էջմիածինն. այսուհետեւ թո՛ղ գանձանակ լիցի: Եւ զայս արարեալ խորհուրդ ընդ իշխանացն և ինքն թուղթ գրեալ ընդ եկեղեցիսն թէ Ծանիք Զ եկեղեցոյ քահանայք և ժողովուրդք, զի հրամայէ Առաքեալն թէ Ո՞վ ոք որ տնկիցէ այգի և ի պտղոյ նորա ոչ ճաշակիցէ, կամ խաչն արածիցէ. և մի ումեք պարտական. և մեք եւ թէ ի ձեզ զհոգեւորն սերմանեցաք, այսպիսի բանք: